

Aalisarnermut, Piniarnermut Nunalerinermullu Naalakkersuisoq
Medlem af Naalakkersuisut for Fiskeri, Fangst og Landbrug

Inatsisartunut Ilaasortaq
Peter Lyberth



Maniitsumi tunitsiviit pillugit apeqqummut normu 84-imut akissut

12. oktober 2009
J.nr. 01.28.09

Inatsisartut suleriaasianni § 36, imm. 1 malillugu Maniitsumi tunitsiviit pillugit apeqquaqateqarputit. Apeqquq uannit akineqartussanngortinneqarpoq.

Dok.nr. 238343

Apeqquq:

1. *Maniitsumi aalisakkanik tunitsiveqarnerup aaqqiivigineqarnissaanut Naalakkersuisut qanoq pilersaaruteqarpat?*

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl

Siullermik Naalakkersuisut tunngaviusumik isumaqarput, namminersortut tunitsivinnik ingerlatsisuusariaqartut. Kalaallit Nunaanni tamani tunitsiviit pitsaanerpaanik atugassaqartinneqarlutik ingerlatsinissaat suliassaavoq pingaaruteqartoq. Taamatut oqarnermi isumaavoq aningaasatigut sinaakkutit imminnut nappatsisisinnaasut. Sulinermi ingerlatsisoqassaaq, piffissami sivikinnerusumi unammilligassanik piffissamilu sivilsinnerusumi aaqqiissutissanik ilaatigut imaqartumik.

Piffissami qaninnermi unammilligassat tassaapput tunisassiassanik ataavartumik pilersuinissap tunngavilerneqarnissaa aammalu tunitsiviit ammanissaat, aalisartut taamaallutik tunisisinnaaniassammata, tunitsiviillu tuniniaavinni pitsaasunik atugassaqartinneqarlutik aningaasaqarnerminni tunngaviliisinnaaniassammata. Piffissaq ungasinnerusoq isigalugu aaqqiissutissat imminnut nappassinnaasut tunngavigineqassapput, taakkulu aalisartut tunitsiviillu aningaasatigut imminut akilersinnaasumik ingerlatsinissaannut tunngaviliissapput. Tunitsivinni tamani tamanna unammilligassaavoq annertoq.

Naalakkersuisut kissaatigaat tuniniaavinni pitsaasunik atugassaqartitsinissamik tunitsivinnullu atugassaqartitsinermi sinaakkutinik pitsaasunik taamanna pilersitsisoqassasoq, Maniitsup eqqaa kisiat eqqarsaatiginagu. Tassani kissaatigineqarpoq sumiiffiit aalisarnerup saniatigut allanik isertitsivissanik periarfissakinnerusut aamma isiginiarneqarnissaat.

Pingaaruteqarpoq sumiiffinni inuussutissarsiortut tusaaniarneqarnissaat, kisiannili aamma pingaaruteqarpoq biologit siunnersuinerat tusaaniassallugu, taakkulu siunnersuipput aalisakkat suffineranni pitsaanerpaamik atugassaqartitsiniarluni saarullinniarnisssaq utaqqimaarunneqassasoq.

Isumaga malillugu pingaaruteqartorujussuuovq aalisarnermik imminut akilersinnaasumik piffissamilu sivisuumi ingerlanneqarsinnaasumik pilersitsinissaq, piffissamilu sivikitsumi aningaasatigut soqutigisat kisiisa isiginiarneqassanngitsut, taamaammat aalisarneq pillugu aalajangiisarnerni biologit siunnersuisarnerat pingaaruteqarpoq.

2. Naalackersuisut aaqqiissuteqarniarlutik pilersaaruteqarunik tamanna qaqugu pissava?

Oqaatigineqarsinnaavoq Naalackersuisut suleqatigiissitaliamik maannakkut pilersitsilersut, taannalu inuussutissarsiutini immikkoortumi piffissamut sivisuumut pilersaarutunik nunallu immikkoortuinut pilersaarutunik suliaqassaaq, taassuma ataani Qeqqata Kommunanut, tassani aamma siunertaalluni immikkoortumi pilersaarutit suliarineqarneranni nunat immikkoortui qitiusumik inissisimassasut.

Taassuma saniatigut nunaqarfinnut pissamaatinik aningaasanik immikkoortitaqarpoq, nunaqarfinni illoqarfinnilu suliniutinut immikkut itnunut atugassat, taakkulu junimi pilersinneqarput tunitsivinni aalajangersimasuni atugassatut. Aningaasani immikkoortitani taakkunani aningaasaqarpoq aalisartunik aamma nunaqarfinni illoqarfinnilu taaneqartuni sulisunik allanik ilinniagaqartitsinissanut, pikkorissartitsinissanut ilinniagaqartitsinissanulluunniit aningaasaliissutissatut atorneqarnissaannik Naalackersuisut kissaatigassaannik.

Taassuma saniatigut oqaatigineqarsinnaavoq maannakkut suliniuteqartoqarmat arlalinnik periarfissaqartitsinnaasunik, tassani pineqarluni aalisarnerup saniatigut isertitsiviusinnaasut allat annertusarnissaat. Suliniutit taakku annikinnerusuupput piffissami sivisunerusumi Kalaallit Nunaanni sumiiffinni allani annertusillugit ingerlanneqarnissaat kissaataalluni.

Taakku ilaatigut tassaapput sunngiffinni aalisartartunut eqalunniartitsisarnermik suliniut, tammajuitsussarsiniartitsilluni piniartitsisarnermik suliniut, eqalussuit pillugit suliniutip tapernerneqarnissaa kiisalu umimmannik ungoorinermi ungalugaliorneq.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalackersuisoq